

迦

陵

詞

全

集

序

自昔風雲之什最數六朝由

袍製曲文人大抵風流而玉宇關心學士率多忠愛南國
隕江山之涕樓上笙寒東風牽離別之絲橋邊柳暗青衣
小婢藉翻紅豆之詞彩筆名流慣著金荃之集寄歌思于
玉樹韻咽千秋傳節奏于霓裳魂銷一曲凡屬有情之語
多爲見道之言況乎萬斛流泉噴處卽成珠顆千端艷錦
着來盡是霞紋者乎迦陵陳太史先生世擅清華頸係蘓
環之子門盈簪笏玠爲衛瓘之孫鍾靈氣于玉女潭邊著
義聲于孝侯祠畔英年吐鳳九苞栖食于桐花晚歲佩魚
六絕續紛其藻彩詩則三百篇而下未是葩經十九首以
還都非作者文則叱訶徐庾靈蠶之冰繭能繅凌轢謝顏

赤水之珊瑚可碎固已蝨吟阿賦鬼哭蒼書矣然目擲地
鴻篇兼工鏤雪屠龍巨手亦事雕蟲則有春閨懊惱之辭
子夜相思之曲陌頭凝望悔教夫婿封侯洛下看花爲問
良人得意泣秋風于揚子未寄魚書驚殘夢于遼西生憎
鶯闌又有送君南浦別客西江渺渺春帆綠遍王孫之草
匆匆曉騎青迴酒市之旗能不握手贈言攀條增感若乃
登臨山水憑吊興亡嗟仙掌之消沉露零鄴下歎銅駝之
湮沒棘滿華園西京之禾黍茫然東洛之衣冠邈矣於斯
時也不亦悲乎至于江上琵琶青衫淚濕樓頭珠斛紅粉
塵埋僵碧玉于甃泉啼采蘋于翠竹馬嵬土澁只剩香囊
銅雀臺空不聞歌吹斯又寫牢騷于落日損哀怨于愁雲
者矣君爲才子僕亦恨人身似隴禽出潼關而未返夢成

莊蝶依吳樹以常飛曾以縑紵之投久抱人琴之痛西州
門外傷心不但羊曇北海樽前把袂更無文舉劇憐香令
爲述雉兒出遺葉于縑囊聚廻文于斷錦一聲河滿老淚
橫流三疊陽關仙踪竟去試訪紅牙按拍當年可有何哉
若令鐵撥調絃今日難爲賀老一言弁首萬緒填膺

康熙二十九年庚午仲冬長至前十日涇陽任璣題於上
谷衙齋

序

予固不知填詞間嘗從先子坐隅竊聞春波詞人錢而介
先生之緒論矣詞始於唐衍於五代盛於宋沿於元而榛
蕪於明明詞作者不數家餘悉踵草堂之習鄙俚褻狎風
雅蕩然矣文章氣運有剝必復吾友朱子錫鬯出而振興
斯道俞子右吉周子青士彭子羨門沈子山子融谷搏九
李子武曾分虎共闡宗風陳子其年起陽羨與吾里旗鼓
相當海內始知詞之爲道非淺學率意所能操管者也其
年王父少保左都御史中湛先生爲東林領袖嘗令吾邑
多惠政與先祖訂交特厚以故先子與定生先生昆仲世
講不衰云憶癸未歲先子以寶坻固守全城功當超擢忤
權貴聽調赴京師而少保叔子戶部主事則兼先生亦以

附時左遷順天府知事盱衡時務握手太息其抱杞人憂
甲申三月則兼先生殉國難是歲先子繇涇縣令遷南上
部見馬阮執國命遂奉大母歸隱以歿時定生先生亦已
在風波震盪中幾爲阮懷寧所殺滄桑之後予始得見其
年及其三弟綿雲因盡讀其先世遺書辛酉九月予從京
師南還某年尚賦詩二章贈別迨壬戌之夏而屋梁落月
之思遽變作人琴之感矣今年春予歸自河東適家弟六
謙爲深澤令遂憩裴焉某年季弟子萬時令安平安平與
深澤接壤子萬以公事至上谷紆道訪予兄弟一相見卽
言及其年詩古文已刻成二十四卷詞則海內尚未觀全
本方彙輯迦陵詞全集三十卷授梓單行屬予爲之序予
既不知詞而其年之詞世已推重又何用予序哉予聞至

京師偶與友人顧咸三共讀其年之詞合小令中調長調計四百一十六調得詞一千六百二十九闕咸三謂宋名家詞最盛體非一格辛蕪之雄放豪宕秦柳之嫵媚風流判然分途各極其妙而姜白石張叔夏輩以冲澹秀潔得詞之中正至其年先生縱橫變化無美不臻銅軍鐵板殘月曉風兼長並擅其新警處往往爲古人所不經道是爲詞學中絕唱予聞其言而益信其年之詞之必宜單行也夫其年與錫鬯並負軼羣才同舉博學宏詞入爲翰林院檢討交又最深其爲詞工力悉敵錫鬯江湖載酒集爲友人選刻已久今方高視詞壇著作且日新其年詞雖富而今已矣子萬梓成後錫鬯必竭力爲之表章又何用予序哉特以子萬倦倦爲其兄身後名計友于之誼足以風世

不敢以不文辭向者新城王阮亭先生梓其令兄西樵東
亭兩先生遺集海內重之子萬遊先生之門而亦不忍忘
其兄是刻也又何淵源之無忝乎以子萬之孝弟與其更
治學問行且敷歷中外致君澤民以繩其祖武豈僅僅以
詞章爲其兄不朽計者獨予以長貧餬口四方祖父遺詩
略已問世而古文詞未能授梓以竟後人之事則見子萬
梓其年詞屬爲之序而不忍固辭者亦用以自志吾媿云
爾

康熙二十九年秋七月秀水同學弟高佑鉅謹序

迦陵詞全集目次

小令

○竹枝 四首

○二十字令 一首

○望江南 三十五首

○瀟湘神 一首

○桂殿秋 二首

○南鄉子 六首

○南鄉子 第二體二首

○楊柳枝 一首

法駕導引 五首

○如夢令 一首

甘州子 二首

○思帝鄉 一首

○長相思 二首

○相見歡 一首

調笑令 七首

○醉太平 六首

○昭君怨 一首

春光好 一首

○柳枝 三首

○點絳脣 七首

女冠子

二首

中興樂

一首

紗窗恨

一首

浣溪沙

十六首

酒泉子

一首

天門謠

一首

添字昭君怨

二首

菩薩蠻

二十五首

卜算子

一首

采桑子

二十八首

減字木蘭花

二十首

柳含烟

一首

散餘霞

一首

好事近

六首又補遺一首

漁父家風

一首

荊州亭

一首

眉峯碧

一首

琴調相思引

一首

誤佳期

一首

憶秦娥

一首

清平樂

五首

憶少年

一首

阮郎歸

一首

畫堂春

二首

武陵春

第一體一首

鬲溪梅令

一首

海棠春

九首

桃源憶故人

四首

攤破浣溪沙

二首

山花子

一首

眼兒媚

二首

朝中措

三首

三字令

一首

太常引

第一體一首

歸去來

一首

河竇神

三首

醉鄉春

二首

茶瓶兒

一首

極相思

二首

西江月

十一首

鬲春令

一首

少年游

一首

怨三三

一首

偷聲木蘭花

六首

城頭月

二首

河傳

第一體二首

河傳

第二體一首

秋夜雨

一首

醉紅粧 一首

玉團兒 一首

探春令 三首

南柯子 三首

迎春樂 四首

憶餘杭 一首

醉花陰 五首

紅窗睡 二首

河傳 第三體一首

河傳 第四體一首

河傳 第五體一首

河傳 第六體一首

怨王孫 二首

徵招調中腔 一首

雨中花 三首

杏花天 二首

浪淘沙 六首

戀繡衾 二首

月照梨花 一首

河傳 第七體一首

河傳 第八體一首

河傳 第九體一首

摘紅英 一首

鷓鴣天 十五首

金鳳鈞 一首

河傳 第十體 一首

河傳 第十一體 一首

河傳 第十二體 一首

鵲橋仙 三首

廳前柳 一首

玉樓春 二首

南鄉子 七首

虞美人 十六首

夜行船 一首

醉落魄 二首

夜游宮 四首

踏莎行 六首

虞美人 第二體 一首

惜分釵 一首

臨江仙 一首

七娘子 一首

花間虞美人 一首

小重山 一首

以上小令一百一十一調共三百九十首

中調

琴臨江仙

八首

七娘子

又一體一首

蝶戀花

四十首

後庭宴

一首

一剪梅

二首

釵頭鳳

二首

朝玉階

一首

唐多令

六首

攤破醜奴兒

一首

繫裙腰

一首

明月逐人來

一首

贊成功

一首

似娘兒

一首

青杏兒

一首

定風波

六首

蘇幕遮

一首

漁家傲

七首

破陣子

二首

落燈風

一首

鳳卣杯

二首

喝火令

一首

醉春風

四首

麥秀兩岐

一首

侍香金童

一首

紅情 一首

滿庭芳 三十一首

徵招 三首

水調歌頭 三十九首

鳳凰臺上憶吹簫 七首

夢揚州 一首

塞孤 二首

金浮圖 一首

八節長歡 二首

卓牌兒 二首

天香 三首

漢宮春 五首

雨中花慢 一首

燭影搖紅 二首

帝臺春 一首

暗香 三首

八聲甘州 五首

夏初臨 五首

夢芙蓉 一首

月邊嬌 一首

醉蓬萊 六首

玉簫涼 二首

黃鸝遶碧樹 一首

慶清朝慢 一首

西子粧慢

一首

長亭怨慢

五首

○瑶臺第一層

一首

黃河清慢

一首

倦尋芳

二首

月下笛

一首

孤鸞

一首

三部樂

一首

長亭怨

一首

應天長

一首

揚州慢

一首

珍珠簾

二首

月華清

四首

玉蝴蝶

一首

垂楊

一首

無悶

一首

閨怨無悶

一首

燕山亭

一首

催雪

二首

大有

一首

新鴈過粧樓

三首

丁香結

一首

瑣窗寒

五首

金菊對芙蓉

十二首

花犯

又一體一首

三姝媚

二首

萬年歡

二首

解語花

四首

渡江雲

五首

絳都春

一首

念奴嬌

一名百字令共一百零八首

無愁可解

一首

彩雲歸

一首

春夏兩相期

二首

逸佛閣

四首

東風第一枝

六首

玉燭新

一首

琵琶仙

三首

四代好

一首

雙頭蓮

二首

龍山會

一首

五福降中天

三首

燕歸慢

二首

夜合花

二首

慶春澤

一首

換巢鸞鳳

三首

高陽臺

二首

壽樓春

二首

木蘭花慢

八首

翠樓吟

四首

曲游春

二首

映山紅慢

一首

看花廻

一首

月當廳

一首

桂枝香

三首

玲瓏四犯

三首

大江乘

一首

霓裳中序第一

一首

憶舊游

一首

水龍吟

二十一首

慶春宮

一首

氏州第一

三首

拜星月慢

一首

花犯

又一體四首

齊天樂

十二首

畫錦堂

二首

石州慢

四首

南浦

二首

宴清都

二首

倒犯

一首

莊椿歲

二首

瑞鶴仙

四首

玉蕊瑤花 三首

春從天上來 三首

金盞子 一首

安平樂慢 一首

雨淋鈴 一首

還京樂 二首

春雲怨 一首

喜遷鶯 七首

探春慢 二首

綺羅香 九首

眉嫵 一首

花心動 一首

瀟湘逢故人慢 四首

二郎神 第一體二首

月中桂 一首

永遇樂 七首

歸朝懽 一首

霜花腴 一首

送入我門來 二首

尉遲杯 三首

合歡帶 一首

花發沁園春 一首

二郎神 第二體一首

春霽 一首

秋霽 二首

西河 三首

解連環 五首

望明河 一首

飛雪滿群山 三首

清江裂石 一首

泛清波摘遍 五首

望梅 一首

傾杯樂 三首

望湘人 三首

夜飛鵲 一首

望海潮 二首

擊梧桐 二首

一萼紅 三首

薄倖 四首

惜黃花慢 一首

一寸金 二首

慢卷紉 一首

八寶粧 二首

疎影 六首

風流子 七首

大聖樂 一首

高山流水 一首

江南春 一首

霜葉飛 二首

過秦樓 一首

五綵結同心 三首

女冠子 第四體二首

小梅花 二首

蘇武慢 三首

惜餘春慢 二首

玉山枕 二首

宣清 一首

洞庭春色 二首

沁園春 七十三首

丹鳳吟 一首

輪臺子 一首

八歸 四首

賀新郎 一百三十五首

摸魚兒 十首

蓮陂塘 二首

夏雲峯 第二體一首

金明池 六首

綠頭鴨 一首

笛家 三首

畫屏秋色 一首

白苧 一首

春風裊娜 二首

引駕行 一首

十二時 二首

蘭陵王 三首

大酺 三首

瑞龍吟 三首

西平樂 二首

玉女搖仙佩 三首

多麗 六首

箇儂 三首

夜半樂 一首

六州歌頭 三首

小諾臯 一首

寶鼎現 二首

怨朱絃 一首

穆護沙 一首

三臺 一首

拋毬樂 一首

稍遍 四首

戚氏 一首

鶯啼序 二首

豐樂樓 一首

以上長調一百九十三調共九百四十四首

迦陵詞全集卷一

宜興陳維崧其年著

同邑任源祥王谷

萊陽宋 琬荔裳

選

嘉善曹爾堪顧庵

男履端

校

商丘侯方岳仲衡

姪賜薛

小令

竹枝

粵東詞

番君廟後

竹枝

鷓鴣飛

兒女

素馨花落

竹枝

蠻娘歸

兒女

花田三月

竹枝

黎人多

兒女

珠江無風

竹枝

春自波

兒女

羅浮人家

竹枝

紅蕉布

兒女

誰裁郎衣

竹枝

儂所作

兒女

檳榔酒釀枝竹鬱林春兒女鬱林兒女枝竹多絳唇兒女

二十字令

咏便面上梔子花爲陸漢標賦

紈扇上誰添梔子花。搓酥滴粉做成他。凝蟬紗天斜。凝去聲

望江南

歲暮雜憶

江南憶。憶得上元時。人闌南。唐金葉子。街飛北宋。開蛾兒。此夜不勝思。

江南憶。最憶善和坊。猿臂醉擎劉白墮。鶯喉嬌唱小秦王。花月去堂堂。

江南憶。少小住長洲。夜火千家紅杏幙。春衫十里綠楊樓。頭白想重遊。

江南憶。白下最堪憐。東冶壁人新訣絕。南朝玉樹舊因緣。秋雨蔣山前。

江南憶。懊惱是西湖。秋月春花錢又趙。青山綠水越連吳。往事只模糊。

江南憶。更憶是蕪城。蘭葉寒塘盤馬路。梨花微雨築毬聲。風景逼清明。

江南憶。憶殺到如今。白玉堂深人一笑。真珠簾煖夜千金。十載尚關心。

江南憶。最好是清飲。一曲琵琶彈賀老。三更絃索響柔奴。此事艷東吳。

江南憶。罨畫最風流。白屋山腰烟內市。紅闌水面雨中樓。樓上漾簾鉤。

江南憶不羨五侯鯖。狎客後堂春說餅。厨娘小閣夜嘗羹。舖歌足平生。

宛城五日追次舊游漫成

重五節記得在金陵。綠水沒腰連夜雨。錦帆脚尾半河燈。往事思騰騰。

重五節記得在南徐。紅板閭喧停畫鷁。翠花磁濕貯黃魚。踏浪最憐渠。

重五節記得在揚州。歌板千群游法海。酒旗一片寫高郵。茉莉打成毬。

重五節記得在吳門。北寺牆頭蘭葉髻。桐橋船裡墨花裙。那許不銷魂。

重五節記得在西湖。萬馬錢塘堤上戲。六橋士女鏡中趨。

髣髴射潮無。

重五節。記得在嘉興也。共朱郎。朱子蔡茂卿湖上飲。菖蒲花底。

醉難勝。別後見何曾。

重五節。記得在如皋。小展簾紋融似水。楊枝低唱紫雲簫。回首路迢迢。

重五節。記得在前門。廟市花盆籠蟋蟀。門攤錦袋養鸚鵡。榴火帝城春。

重五節。記得在家鄉。麝粉細調蛾子綠。虎釵新破繭兒黃。扼臂五絲長。

重五節。今歲在南陽。牆脚蝸牛行艾葉。簷牙鳩婦話榴房。絲雨濕年光。

商丘雜咏

商丘憶、憶煞冶游人。釵葉綠、鞦縈兔鶻。鬧花錦袋、貯鵲鵲、飛鞚逐黃塵。

商丘憶、綺席笑顏酡。脆滑韭芽、黃勝麝。鬆圓粧、白於羅。扶路酒人多。

商丘憶、馬客似幽涼。棗子集頭、調大路。木蘭廟角、聞鷄鳴。自許儘輕狂。

商丘憶、梳裏勝江淮。青漆車兒、垂綉幔。乾紅鞦子、隱弓鞋。相遇宋城隈。

商丘憶、春景浩無涯。坐上一尊桑落酒、門前千畝牡丹花。踞坐撥箏琶。

寄東臯冒巢民先生并一二舊游

如臯憶、最憶小三吾。水繪園中亭名隔水紅牆春冉冉、拍波綠簪

雨蘇蘇。隱几一愁無。

如臯憶。憶得暮雲天。着醋紅。醃經酒脆。帶糟紫。蛤點羹鮮。日日醉花前。

如臯憶。記坐得全堂。幾縷椒雞閒說餅。半甕花露靜焚香。絃索夜枰枰。

如臯憶。如夢復如烟。滿院嫩晴歌板脆。一城纖月酒旗偏。過了十多年。

如臯憶。猶憶看春人。夾巷簾櫳空勝水。後街香粉碾成塵。看煞不曾嗔。

如臯憶。曾記臥湘中。名聞萬點水花籠夜碧。半巖火樹落春紅。颺起妓衣風。

如臯憶。憶看小桃花。水繪園門通小寺。春堤一道不曾斜。

千樹爛晴霞

如臯憶往事。倍盈盈。水郭題名新帳望。板橋話別舊心情。雙髻可憐生。

如臯憶數子。總疎狂。剛中酒時思許掾。山恰傷春處。念曹王。文香茗記張郎。子孺

如臯憶。按譜砌香詞。傳語東君須婉轉。此情莫遣外人知。除說與楊枝。

瀟湘神

盱眙舟中作

淮水流。淮水流。蠻絃銅鼓不勝愁。驪山金盃無消息。六月園陵冷勝秋。

桂殿秋

淮河夜泊

波淼淼。月朧朧。神巫爭賽禹王宮。船頭水笛吹晴碧。檣尾風燈貼夜紅。

偶紀

春漠漠。雨疎疎。綺窗偷訪薛濤居。凝情低詠年時句。人在東風二月初。

南鄉子

江南雜咏

天水淪漣。穿籬一隻撥頭船。萬竈炊烟都不起。芒履落日。撈蝦水田裡。

夔魍喧厖。楓根漬酒紙成灰。澤國不知山國苦。銅鼓醉甌。

夜深作蠻語。

今秋水鄉盡沒而山民復十室九病故詞及之

戶派門櫺官催後保督前團毀屋得縉上州府歸去獨宿
牛車滴秋雨

鷄狗騷然朝驚北陌暮南阡印響西風猩作記如鬼老
排家驗鈴尾

萬艘千船今年米價減常年乍可宣房填蟻穴愁絕不願
官家言改折

笳蓋從風旌竿十丈壓程紅卜式相如爭匿笑驚告同輩
屠沽并傭保

清明後一日吳閶道中作

南鄉子
第二體

纔過清明東風怯舞不勝情紅袖樓頭遙徙倚垂楊裡
陣紙鷂扶不起

捲絮搓綿雪滿山頭是紙錢門外桃花牆內女尋春路昨

日子規啼血處。

楊柳枝

本意

裊娜絲楊水面生。波光柳態兩盈盈。攪來風色昏於夢。不許春江綠不成。

法駕導引

饑鳥

饑鳥噪。饑鳥噪。毛羽忒摧頽。故國稔經霜雪滿。他鄉錯料稻梁肥。噍黑只飛飛。

曹南耕表弟禮斗甚虔詞以紀之

銅芝蓋。銅芝蓋。縹緲結祥烟。碧奈花開忉忉市。紫陽宮近夜摩天。一枕小游仙。

西風動。西風動。聞苑一愁無。毛女弄琴紅捍撥。井公戲博紫樗蒲。閒話鮑家姑。

元始殿。元始殿。瑤陛一層層。丹竈幾聲仙院笛。碧池千盞熊壇燈。人靜露華凝。

梅廬閉。梅廬閉。長日不曾開。絳帔黃紵晨控鶴。綠章赤篆夜扶鸞。來往總仙官。

如夢令

贈友

記得西陵小弄。風裏金鞭雙控。今日又逢君。恰值春波微動。如夢如夢。白髮何堪情重。

甘州子

新霽同南耕。散步潘原白。園亭主人不在。題壁而

去

沁園春在畫橋西。花月價賤如泥。碧城高與粉牆齊。擬把
數行題。題未了。斜日亂鶯啼。
銅環半面澁。蝦蟆。鸚鵡睡。懶呼茶。麝脂新濕小窗紗。柳線
漸勝鴉。無人到。開徧一園花。

思帝鄉

夏夜

花底螢高低。穿繡局。慣照人間閒事。一星星待展輕紈小。
撲怯還停。又向牆邊竹去。冥冥

長相思

贈別楊枝

漱金卮。閣金卮。不是樽前抵死辭。今宵是別離。
撚楊枝。

間楊枝。花萼樓前。踈地垂休。忘初種時。

日夜看花作

掩柴門。步籬門。夜色茫茫碧一痕。微酣過別村。梨花繁。李花繁。錯道溪昏月又昏。風吹銀浪渾。

相見歡

初夏行舟

睡餘獨自推篷。海陵東。一帶人家都住柳絲中。黃茆屋。清江曲。綠簑翁。正是雨餘斜閣水車紅。

調笑令

咏古

張家二女。天人姿。西風秦龍吹空祠。吳興沈美風調。邂逅一笑難爲持。客亭猶侃。嫺娟子。憶珠簫去如駛。酒坐琴聲。笙篴聲。姊妹雙雙落紅水。

紅水啼難止。弄罷空篋相顧起。女郎祠掩西風裏。綉幌明
簾徙倚。蘭香嬈與智瓊妙。懷恨多年同此。張女郎

湘中蛟婦號汜人。楚天冉冉紅羅巾。一鈎曉月
洛橋下。風光冷。麗偏相親別來愁緒紛難理。鄂
渚微波嬉上。已烟裙霧髻驚森茫。舊船回首人
千里。

千里湘中水。江面微風翻繡被。輕別玉娥歸去矣。淚滴龍
堂青綺。十年重遊蛟官嬈。愁絕楚天上已。汜人

崔家女弟世所無。彈爭自命爲龍奴。重泉猶作
人間曲。摧藏掩抑聲嗟吁。當時青事心。猶省長
秋一曲。紅窗影夢裏。曾陪元舍人。銀箏發苦人
清冷。

清冷虛無境。手撥銀箏心自省。長秋一曲紅窗影。絃裏分
明悲哽。泉臺不少人間景。後死君王巡幸。范奴

九華安妃游玉鄉。交游携帶招帝郎。情經髮好
發朗唱。紫清瑣掖排銀房。楊羲自是神仙子。不
比人間許長史。左宮亦有王夫人。紅顏謔笑斟
瓊醴。

瓊醴調芳旨。天上風流聊復爾。楊家自是神仙子。雙笑歡兼昔旨。一幅青書鸞鳳紙。爲授真妃靈紀。安妃

通波亭畔。風日清會。藉王子愁。經行中流。佚女遙烟。船波光臉。態交盈盈。風吹裙帶。紅絲纏。筵筵。簇歌拍聲。聲顫西軒。夜靜月又低。春條爲雨。歌宛轉。

宛轉羞相見。月白風清人婉嬖。洛靈羅襪來波面。良夜隨郎游衍。小婢簪篸歌又顫。徙倚春流都徧。劉麗華

西堂花茵。儂好持此。問風月堪。謠詩。滿奴小兒。若米雪紫。緩綠。酒饒神姿。竟陵判司。大興。情。寒空館。眠難好。翠簪。膝滑。促傳。鴛口。吃。微。聞。喚。爲老。

爲老頭腦好。善謔羣真堪絕倒。夜寒空館人聲悄。地下爲歡須早。南隣娘子翹翹小。共汎玻璃清醪。蔡家娘子

提安貴土。名滿芳。農春游。戲。鳴。瑞。相。率。食。看。不。延。舞。寺。前。暗。調。淳。子。郎。蘭。摧。玉。折。一。何。苦。青。春。又。燕。同。昌。主。淮。南。裨。將。憤。酒。悲。慟。哭。繁。華。點。無。語。

無語奈何許。憶在寺門魂暗與。布衣真尚瑤芳主。一霎日
斜歸去。大槐安國飛紅雨。腸斷舊游何處。瑤芳公主

醉太平

江口醉後作

鍾山後湖長。千夜烏。齊臺宋苑模糊。剩連天綠蕪。估船
運租。江樓醉呼。西風流落丹徒。想劉家寄奴。

戲咏錢傲宋人獨木橋體

紅閨簸錢。綠窗意錢。姬人小字錢錢。佩男錢女錢。花驄
鐵錢。蘭橈綺錢。癖同和嶠惟錢。問直他幾錢。

青苔印錢。朱荷貼錢。空囊誰笑無錢。更漫空笑錢。文臣

愛錢。倡家數錢。世間萬事由錢。向天公貰錢。

吹簫乞錢。販脂鬻錢。西風江岸攤錢。負茶商進錢。西隣

醖錢東城打錢。明朝去索碑錢。付黃公酒錢。
錢兮古錢。鏐兮後錢。篋中剩五銖錢。是秦錢漢錢。
使錢阿奴惜錢。逢花休慙無錢。看風吹紙錢。可兒

題孫無言半瓢居

顏淵一瓢。先生半瓢。傍人笑問團瓢。是吟瓢酒瓢。
巢由飲瓢。先生住瓢。行窩何處非瓢。任肩挑壞瓢。

昭君怨

咏柳

誰把軟黃金。纓。裊在最臨風處。低蘸綠波中。太濛濛。
殺花花絮絮。半是風風雨雨。一樹倍堪憐。寺門前。

春光好

桐川道中作

詩音義
卷之

鵲鵲叫。戍樓平。漆燈明。一路春田。四月少人耕。惡木叢。
中古驛。亂山缺處孤城。安得短衣看射虎。過殘生。

柳枝

人日過曉仙校書家

幾陣簾風漾雪膚。正春初。小姑年小。理清歛怯。趨穠。
淺道勝常。釵勝轉。紅幡軟。籠中鸚鵡爲誰呼。似留子。
蘭焰平明。一縷微弄餘輝。含嬌和夢換春衣。傍床幃。
手拈紅綬通眉語。憑郎正。耶看等雁會翻飛。便須歸。
雪淨春蕤。隱綠光發茶香。手擎江橘顛釵梁。玉纖涼。
放夜傳聞今歲早。銀燈好。再來須盡十分狂。省繁腸。

點絳脣

阻風江口

濁浪堆空暨陽城下風濤怒水車鐵柱隱隱轟吳楚獨
眺君山且共春申語愁如許一杯酌汝同看蛟龍舞

咏枕

憶得年時紅綿粧疊紅蕤灩笙囊綠拊濃笑釵痕閃說
盡山盟不料巫雲歛殘荷燄斜鋪楚簟多了啼紅點

夜宿臨洛驛

晴髻離離太行山勢如蜺蚪稗花盈畝一寸霜皮厚趙
魏燕韓歷歷堪回首悲風吼臨洛驛口黃蘗中原走

江樓醉後與程千一

絕憶生平蹉跎祇爲清狂耳酒酣直視奴價何如婢
壁崩岬多少齊梁史掀髯喜笛聲夜起燈火瓜洲市

題延令張燕孫秋詞

燕孫園次婿

吳苑初晴陽山大好朝來髻相逢却是山抹微雲嬌一
幅詞兒滿紙悲哉氣冬深矣重添秋意秋在君詞裡

舟行秋望

歷亂烟村推蓬愛煞晴秋爽柴門栗椽風定誰敲響野
鴨濛濛懶漫勤依漿漁蠻莽驚飛兩兩觸損玻璃樣

和成容若韻

並坐燕姬琵琶膝上圓冰薄輕攏淺抹巧把羈愁豁竟
去搖鞭點草霜鬢渴西風惡數聲城角冷雁濛濛落

女冠子

本事

黃紵剪就慵上鴛機刺繡鎮葳蕤水綠青溪廟花紅白石
祠悄悄春似夢漠漠雨如絲仙洞胡麻熟有誰知

始青天上小織龍綃幾兩路茫茫度海雲鬟亂還宮繡帶長
瓊枝春裊裊金磬夜琅琅撥盡天風曲說興亡

中興樂

秋夜

水邊小弄靠烟廊秋宵正掩書窗忽有人聲飄來畫牆
不辨衣香水香太微茫分明有箇玉簪花底暗昏新涼

紗窗恨

蝴蝶和毛文錫韻

闌紅暝翠何時了漾春心一生輕薄誰拘管粉牆陰花
架底潛防絛扇畫梁前巧闌紅襟描上鴛裙摺費泥金

迎陵詞全集卷一終

迎陵詞全集卷二

宜興陳維崧其年著

同邑周啟倚立五

弟維岳緯雲
宗石子萬
叅閱

秀水曹溶秋楸

睢州湯斌潛庵選

男履端校

江寧紀映鍾伯紫

姪賜薛校

浣溪沙

贈王郎

十五吳兒渲額黃
鵝笙炙罷口脂香
依稀記是小王昌
未解寒簾通暗語
已能映柱惱迴腸
箇微年紀未須防

癸丑東溪雨中修禊

春水接藍接遠汀
晚山愁黛盡銀屏
綠楊城外畫船停

燕剪輕陰拖水榭鶯翻嫩雨濕蘭亭半溪燈火酒微醒

春日同史雲臣遠公買舟山游小泊祝陵紀事

春水平如簾一般茶鐺棋局委潺湲好風吹去不須還

二月新晴鋤綠笋半村微雨賣青山人家俱伐山礱石垂楊低處

隱禪關

投金瀨懷古

格格沙禽拍野塘離離苦竹上空墻投金瀨在漾斜陽

擊絮人纔憐伍員音浣紗溪又產夷光英雄生死繫紅粧

偶憩清和庵卽事

壘石綠流一逕斜寺門幽似野人家西風黃葉響籬笆

紫入鸚哥石是菊草花中有名鸚哥菊者其色紫紅歸鴉舅色如花僧薙

竹下自煎茶

咏橘

秋染包山樹樹蒼高低斜綴絳紗囊西風飄過滿湖香

未免爲奴供飲噉

用橘事

微聞有叟話滄桑

用橘事

霜紅露白

儘徜徉

髣髴輕軀十八娘生憎柑子道家粧石榴裂齒也尋常

孽罷春纖丹液冷傳來羅帕玉肌涼昨宵酒惡倍思量

船入荆溪思豁然曾傳此語自坡仙擬將種樹遺蕭閒

今日亭臺無楚頌舊時橘柚滿吳天風流人去一千年

藻耀霜林八月中累累蘋蘋卵石湖東篋包箬裹滿筠籠

天上渴烏偷樣好鑄成一點橘般紅蓬萊夜半已墮曉

山塘卽事

窈窕山塘半酒家浣衣歸去笑吳娃東風吹得繡裙斜

琴几研光麋綠竹。杼枰敲落水仙花。碧紗窗影浸山茶。

蚌埠卽事

潏潏淮河杳似年。森森蚌嶺遠攢天。風來吹作驚帆圓。
奈熟叟擎千顆。雨柳濃兒浴一溪。烟黃瓜涼粉趁墟船。

雨中由楓橋至齊門

料峭春寒恰未泐。鶉鴝啼急水迢迢。半船微雨過楓橋。
薺菜綠平齊女墓。梨花雪壓伍胥潮。柳枝和恨一條條。

月夜虎丘紀所見

小立山塘玩暝烟。市樓燈火未闌珊。暗中依約遇嬋娟。
風裡繡裙吹浪皺。雨餘紅屐印泥圓。一鉤春月寺門前。

陸上慎移居東郊

背郭沿溪路不遙。杏花村裡菜花橋。故人和燕定新巢。

藥裏煖分花影曬漁簑閒受柳綿飄小樓長聽雨瀟瀟
水驛家家看打魚晴簷日日喚提壺知君高臥一愁無
乍可小詞填幼婦不妨新論著潛夫明年花下引鴛鴦

逮下爲閻牛叟賦

牛叟兌閻遺散曰妻屢請納妾予不應間置孔氏一妾三年遣

之猶處女焉

頻笑王家九錫文犢車塵尾事紛紜蔡充兒語最傳聞
每遣白公留阿素却教坡老買朝雲紅閨若箇不輸君

酒泉子

咏畫上香櫞爲祖仁淵賦

拌蠟勺檀搓得軟羅圓皺西風拋打赭黃球墮高樓翠
甕紅架貯清幽分外宜秋憑皓腕劈春絨和麝粉絡床頭

天門謠

汲縣道中作

已過鞦韆節看汲冢苔錢鋪瀨淇流咽說古今興滅
此千廟年年啼百舌月與銅盤都缺愁恨織花落處棠梨成
血

添字昭君怨

竹逸約過城南僧舍看梅以雨不果詞以柬之
梅壓板橋玉皺人隔寺牆香透昨朝花下約同遊散春愁
准趁平蕪携手還傍粉帟賒酒今朝細雨太綿綿且高
眠

夜泊鑾江

今夜月明江上綠染吳天新棹萬家簾幙火微明佛狸城
一點瓜洲玉糝半笏金山雪透亂帆颯颯響秋江瀉銀

八言以志
初好詞也

瀧

菩薩蠻

題青谿遺事畫冊同鄒程邨彭金粟王阮亭董文

友賦

流蘇小揭人初起博山烟裊屏風裡紅日映簾衣梁間玉
剪飛迴眸驚瞥見笑倚中門扇准擬嫁文鴛燈花昨夜
雙乍遇

象牙局上金星吐香閨戲博紅鸚鵡深院對挑棋厭厭春
晝遲時奕棋娘輸籠玉手伴靠紗窗口細撚柳綿兒花冠報午

銀河斜墜光如雪碧虛淺浸天邊月月色太嬋娟行來剛
並肩闌干渾倚倦小漾裙花茜風細語難聞亭亭雙璧

人私語

後堂恰與中門近。當時日傍飛蟬鬢。猶記捉迷藏。水晶庭

院涼。侍兒前後遞何計。將他躲匿笑顫花枝。鞋尖露一

縵。迷藏

迴廊碧。楚芭蕉葉。鴨爐瑞腦薰。猶熱春筍抱琴彈。一行金

雁寒。聲聲鬆寶串。彈到昭君怨。促柱鼓瀟湘。風吹羅帶

長。彈琴

秦淮水閣多斑竹。平康院院燒燈讀。竹響似行人。檀郎迴

顧頻。恰逢紅粉面。送茗來瓊扇。剛是早回頭。夜深儂睡

休。讀書

梨花簌簌飛紅雪。狸奴夜撲璫。趁月物也解雄雌。教奴恣

意窺。潛踪殊未慣。猛被蕭郎看。羞走暈春潮。門邊落翠

潛窺

紅
秘戲

江行

艇

和龔伯通寄于生用原韻

撩人最是眉烟皺。勾人不在春弓瘦。紅燭奈他何。相看淚
孰多。別來渾不寐。夢裡人誰至。拚倚鈿箏眠。嬌音落枕
邊。

代于生答伯通仍用前韻

舞餘疊得衫兒皺。酒闌趙得人兒瘦。郎口似隋何。相思謊
最多。昨宵剛小寐。書與砧同至。砧響伴人眠。寄書人那
邊。

春日憶西湖次陸蘊思徐竹逸倡和原韻

剡波曾到西泠去。掠入綠痕難唾處。疎簾雜眠鷗。真成自
在游。如今佳興歇。悶過春三月。剛見摘蘭芽。山村又焙
茶。

柬雲臣訊牡丹消息

銀鈴油幕安排巧。剛剛只等花期早。聞說藥欄東。嬌香將
暈紅。連朝天欲雨。苦勒春寒住。何日一枝開。儂應側帽
來。

雲臣招看牡丹。以雨未赴。小詞奉。與。是日賞。

花諸子

室前勸酒清尊急。闌前着雨紅粧濕。多分酒醒時。嬌香和
淚辭。留花花不可。索性將花朵。拚做薄情人。慇懃睡一
春。

遙題廣陵吳元式棣友堂

驅車昨過田真里。千年想像荆花紫。余昨歲中州曾過今
川氏三紫荆故里日廣陵城。惟君繼令名。休歌一斗粟。美汝東西屋。淮擬
到華堂。來眠大被旁。

過雲臣宅看牡丹歸有作

滿城爭放花千朶。狂夫那肯家中坐。纔得過西隣。東家喚
又頻。徑須衝酒去。那怯廉纖雨。日日爲花顛。何曾讓少
年。

吳門將歸爲姜學在題歲寒圖

瀕行不折閭門柳。殷勤只勸臯橋酒。笑指歲寒圖。交情如
不如。領君珍重意。樹乃猶如此。題罷上歸船。孤帆入曉
烟。

爲竹逸題徐渭文畫紫牡丹

年時鬪酒紅欄下。一叢姪紫真如畫。今日畫花王。依稀洛
下粧。徐熙真逸品。淺暈葡萄錦。挂在賞花天。狂蜂兩處
喧。

將發吳門時庭際海棠盛開用香嚴詞韻

年年慣作他鄉客。今年怕與花離別。花也替儂愁。春江無盡頭。不如雙粉蝶。鎮日團花側。花發唱驪歌。人歸花若何。

爲友人題像

萬山榭葉西風起。黛痕滴入衫痕裡。硯匣淨無塵。依稀陸子春。他時須獻賦。細馬朝天去。相映柳毵毵。宮娥報捲簾。

燕市贈相者

虎坊橋畔逢唐舉。西風酌酒爲君語。羈鼻與隄肩。何嘗直一錢。浮雲卿眼見。富貴非吾願。酒盡撥三絃。狂歌菩薩蠻。

爲閭牛叟新納姬人催粧

牛叟夫人已逝方爲作悼亡詞

悼亡纔寫菖蒲幅。定情又索消魂曲。淮估附書來。紅槭和笑開。鵲橋填已久。儂是催粧手。老去漫情多。顛狂奈爾何。

雕香刻翠飛瓊像。多時供在粧樓上。揀箇女如花。纖腰同拜他。白家蠻柳在。淺漾東風外。情緒慣瞞伊。欺他尚小時。

贈梁陶侶

棠村夫子小阮

邯鄲年少春衫綠。鳴箏競唱棠村曲。檀板鷓鴣天。藜臺月正圓。謝公猶子在。才調空群輩。誰愛紫羅囊。書籤玳瑁。

卜算子

阻聞瓜步

風急楚天秋日落吳山暮鳥相紅梨樹樹霜船在霜中住
極目落帆亭側聽催船鼓聞道長江日夜流何不流儂
去

采桑子

一名醜奴兒令一名羅敷令一名羅敷媚

送李雲田之吳門迎侍兒掃鏡

一羣蕩子揚州住簾底紅牙門畔金車邀笛藏鈎樂事賒
如何短李先辭我云有吳娃生小如花日上江樓候客
檣

我言息國夫人好何不歸哉早到粧臺湘水今秋綠勝苔
君言聊復爲歡耳謎語應猜莊語非詼神物須知是手

推

時雲田寶鑑
夫人在楚

題畫蘭小冊

蘭爲橫波夫人所繪

圓思吮粉調鉛日紫葍細芽露蕊烟葩壓倒南唐落墨花
杜蘭香去多時了碎錦零紗飄泊誰家賸有眉樓小篆

斜

後堂絲管親曾醉袞徧箏瑟舞煞蠻靴百幅紅蘭出內家
左徒弟子今誰在只有章華淪落天涯忍看靈均九畹

花

施愚山日氣馥鬱于芝蘭態旖旎于揚柳

題澹曉庵斗酒百篇小像

畫師貌出高人態梧竹澄鮮庭戶蕭然道是詩顛併酒顛
玉山百罰顏唐甚醉漢瓊筵紗帽微偏擊唾壺歌寶劍

篇

正月二十日從吳天石處獲讀緯雲弟京邸春

因和其韻聲情拉雜百感風生一夕遂得十首
不自知其所云也

今年明月無情甚偏向江東只照軍容不放銀花萬樹紅
鳳城飛下征南騎一片刀弓鐵甲呼風愁殺思鄉沈侍
中

輕輕過了元宵也春雪纔融零雨還濛雨細如愁慘碧空
孤燈炙罷和衣睡莫打晨鐘綉轂銀驄准擬今宵夢裡
逢

何人又唱安公子漢苑烟濃魏寢霜封攸嶺蠻鄉一萬重
雪消巴蜀添春水誰駕鸞艫陡起魚龍此夜橫江有阿
童

早年喪亂曾嘗過複壁爲傭城旦爲春兒女宵啼賊火紅

迴頭三十年前事
殘照天公衰髯如蓬
莫遣咸陽又舉烽

杜陵諸弟飄零甚
幾陣離鴻振影長
空燕市

謂三弟緯雲

梁園

謂四弟子萬

類轉蓬

後湖一雁尤酸楚
竟逐晨風一去無踪

雨打天桃墜冷紅

悼弟半雪

添丁屈指今三歲
未識而翁睡去朦朧耳
畔呼耶語句工

關河梗絕書難達
何日相逢繡祿親
縫顛倒天吳短褐

中

有人來自尚書墓
燕子樓中紅粉成空樹
樹衰楊夜起風

非公人盡嫌余嬾
絮酒難從疎散誰容頭
白羊曇路已

哭合肥窮夫子

昨冬并說西樵死
送盡英雄祇剩衰翁寒
日西顏貫白紅

從茲東海無奇氣魚眼波紅鰲背霜濃瑤島瓊臺何處

峰

哭西樵吏部

年來怕作傷心句雙袖龍鍾左耳新聾莫把箜篌唱懊儂
不如且作消愁計賣藥無終鬻吞山東自署人間亡是
公

今朝吾弟懸弧日四十匆匆誰薦揚雄謁者監門孰與通
耦耕畢竟家山好山黛初濃杏靨纔烘遲汝風光一笑

同

是日爲弟生日

吳門遇徐案之間我新詞賦此以答

當時慣做銷魂曲南院花卿北里楊瓊爭譜香詞上玉笙
如今縱有疎狂興花月前生詩酒浮名丈八琵琶撥不
成

爲汪蛟門舍人題畫冊十二幀

雙心一氣沉香火嬌小烏龍斜壓薰籠笑爾葡萄萄寶帳

空是何年少朝天客火滿東華漏歇南衙曉夢纔歸尚戀花

家癖衾獸炭團花褥休數其他一例豪奢不是出家即寶

八盤膩手香蟬委紅粉輕調畫的輕描面得春魂爲爾銷

桃道書偏怪郎耽讀百幅霞綃十斛龍膏何必逢山訪碧

李皇周后年雙小玉樹官牆金縷鞋幫膽怯潛提出洞房

秣陵往事千年矣如此疎狂莫管興亡便破家山也不

妒

金籠鸚鵡新來啞柳樣腰身月樣精神小小房櫳少四隣
只愁繞院千竿碧夏觸疎筠斷續停勻幾陣琤琮似有
人

浪花橈子水紋檻綠沁肌膚涼浸眉鬚還有炎威半點無
水明樓上人梳裹旁立鴉雛秀靨清臙愛看荷盤瀉露

蒼松陡作金虬舞似此雲山不似人間崑崙畔相逢吳絲轡
情緣未了前塵在扇子團團暗惜韶顏飯罷胡麻趁早
還

鴈鵠斑暈鸛鵒杓玉潤犀香酒聖詩狂濃淡屏山墨幾行
牙籤叠架粗於筍著錦珠囊宋榻唐裝也抵豪門笏滿

床

紅櫻斗帳空如水。烟月羅羅人到南柯。一片松濤枕畔過。雀翹顰髻端然坐。裙帶微褻纖指頻呵。甚處巫雲入夢。

多

單紋綠煥玻璃皺。極望芙渠來往誰欺。風幔烟燒滿太湖。瑣兒不忿雙栖鴨波。潑紅襦潮暈春酥阿姊。身邊竟有夫。

夫

搓酥滴粉瑤臺侶。要使微顏戲問幽情。眉黛全低恚旋成。紅絲繩拂拈來打何事。干卿口語偏輕薄。怒徐回嬌轉。

生

盈盈對坐緒經史。琳笈瑱函粉印脂鈴。夜冷春蔥下幾籤。在旁聯燭能知狀。茗苦香甜月小風纖。咏絮才高笑撒。

望

減字木蘭花

秋雨過紅板橋

當年此地銷魂人記銷魂事妙舞清飮不是柔奴定態奴
西風古道二十年來人漸老漠漠迢迢秋雨重經紅板
橋

渡江宿弟斐玉家

江南江北握手相看那易得今夜重逢翠篠黃花伴燭紅
浮杯大嚼顧我何如家弟樂車馬湖邊明日西風絕可
憐

廣陵旅邸送三弟緯雲南歸

佛狸城下兄弟禪房通夜話紅土山頭兄往吳陵弟亳州

一鞭春暮重過竹西三日住江上斜暉弟作歸人兄未歸

送四弟子萬

前年飛絮我到故園君已去今歲青山君又南行我未還
吳雲郢樹淚灑臨岐無一語再唱離歌六幅蒲帆奈汝何

送五弟阿龍

阿龍最小失母隨兄偏了了四歲離鄉今日重逢斷我腸
阮家姑母猶子情深思汝久此去相依莫以懷吾淚濕

衣

阿龍年四歲卽隨
則弟于萬居商丘

歲暮燈下作家書竟再繫數詞楮尾

天涯飄泊湖南湘烟無定著暗數從前汝嫁黔婁二十年

當時兩小樂衛人誇門第好零落而今累汝荆鉞伴藥

砧

爲
余年二十粗曉讀書兼射獵三十蹉跎鼓瑟吹簫奈若何
堪憐阿堵垂老詎曾親識汝溝水東西何用男兒意氣

今年離別石畔梅花開似雪駿馬馳坡又見流光換碧羅
歸鞍暫息看汝機邊還作織秋月當頭重附租船江岸

遊

地名破冢郭璞墓前波浪洶細剔銀缸話盡秋宵角枕涼
橘紅橙綠九月敬亭山畔宿水鳥斜飛又逐孤蓬一夜

歸

曲阿湖上重看縠紋平似掌及到邗溝綠雨斜風水驛愁

敗荷衰柳。且買高郵紅玉酒。群盜如毛。月黑隣船響箭。

刀

吳霜點鬢。客況文情都落盡。檢點行裝。淚滴珍珠。疊滿箱。

并州曾到也。擬開懷還一笑。塵務相牽。執手雲郎送。上

船

客航風雨冷。雁濕猿齊夜語。欲作家書。腹轉車輪。一字無

經年如此愁裏。光陰能有幾。預報歸期。又在梅開似雪。

時

上巳後一日途次涓川

花紅草綠。昨日濃春經阮曲。碎雨零烟。今日愁人過涓川。

三春去半。半付郵亭和驛館。潦涓潏潏。上巳無人出采。

蘭

過惠山九華庵

係某氏
廢園

石蹲奇獸兀冪玲瓏真險秀礪束春羅窈窕空明足淡施
閒庭誰到祇許碧空懸冷瀑些事消魂剩有鞦韆斷板
存

酷暑馬上口占

陽鳥酣戰身似吳牛偏易喘緩轡徬徨我有田園萬斛涼
桐廊茗汁此事如今那可得黃鳥多情小店風潭轉一
聲

題彭爰琴小像

隋宮絲管曾醉倡家紅玉梳瘦馬蘆溝又上燕姬賣酒樓
十年一別往事濛濛那可說畫裡逢君同把揚州月色
分

題山陰何奕美小像

奕美尊人侍御公以忠節死

多年枯樹屈鐵拘銅陰翠沍野澗蕭林閑坐幽人抱膝吟
傳家碧血怕聽子規啼夜月莫便還鄉壩國山川冷夕

陽

佐家爲閭牛叟賦

牛叟竟閭遺徽曰余世以鹽筴起家後中落妻恒好語相慰

魚租雁稅健婦持門心力瘁迥勉錢刀助得男兒意氣豪
家緣中落軋軋機床拚織作國士橋邊賸有蕭蕭冷硯

田

題憚南田爲潘原白所畫絳幘橫秋圖

花冠粉距昂首晴秋羞噲伍惱殺詩翁得失偏喚鷄與蟲
乾坤夜黑何日一鳴天下白角角堪驚總是秦關過客

聲

陳倉祠古當日霸王全繫汝叢桂天空詆藥還聞伴八公
而今老大笑爾會稽雞太啞莫管昏晨斯世誰爲起舞
人

迦陵詞全集卷二終